## Dissertatio inauguralis de asthmate puerorum quod vulgo vocant Das Röcheln der kleinen Kinder ... / [Johann Konrad Waldschmitt].

### **Contributors**

Waldschmitt, Johann Konrad. Verdries, Johann Melchior, 1679-1735 Justus Liebig-Universität Giessen

### **Publication/Creation**

Giessae Cattorum : Ex Officina Academica Vulpiana, [1726]

#### **Persistent URL**

https://wellcomecollection.org/works/rnuppjxd

#### License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org DISSERTATIO INAVGVRALIS

# ASTHMATE PVERORVM

QVOD VVLGO VOCANT

# Das Röcheln der kleinen Kinder

DEO CLEMENTER ANNVENTE AVCTORITATE ET INDVLTV GRATIOSI MEDICORVM ORDINIS

PRAESIDE

# DN. IO. MELCH. VERDRIES.

D. MEDIC. ET PHILOS, NAT. P. P. O. FACVLTATIS

MEDICAE HODIE DECANO

PATRONO AC PRAECEPTORE SVO AETERNYM COLENDO

PRO

# GRADV DOCTORIS

RITE IMPETRANDO

PVBLICO ET SOLEMNI

MAGNIF. ET EXCELL. ACAD. PROCERVM

EXAMINI PROPOSITA

# IO. CONRADO WALDSCHMITT

AD DIEM V. SEPT. clo loce XXVI.

GIESSÆ CATTORYM EX OFFICINA ACADEMICA VVLPIANA,

# ILLUSTRI ARCHIATRORUM CONSUMMATORUM BIGAE. MAGNIFICO, EXPERIENTISSIMO, EXCELLENTISSIMO DOMINO,

# DN.IO.CHRISTOPH.HERTIO,D.

EMINENTISSIMI PRINCIPIS ELECTORIS MOGVNTINI, ET SERENISSIMI LANDGRAVII HASSO-DARMSTADINI CONSILIARIO ET ARCHIATRO, ITEMQVE PROFESSORIS MED, IN HAC ALMA LVDOVICIANA PRIMARIO:

NEC NON

AMPLISSIMO, EXPERIENTISSIMO, EXCELLENTISSIMO

# DN. ALBERTO CHRISTOPH. GEILFVSIO, D.

SERENISSIMI LANDGRAVII HASSO - DARMSTADINI,
DIVERSORVMQVE IMPERII STATVVM
CONSILIARIO ET ARCHIATRO:

DOMINIS SVIS, EVERGETIS ATQUE PATRONIS

NVLLO NON HONORIS CULTY, DEVOTO ANIMI ARDORE,
IVGITER PROSEQUENDIS,

HOC QUALECVNQUE SPECIMEN INAUGURALE, IN GRATI, PRO TOT TANTISQUE BENEFICIIS, PRO TOT SALVTARIBUS IN STUDIORUM CURSU FELICITER INSTITUENDO CONSILIIS, ANIMI DOCUMENTUM,

ADHYE DIV SARTAM TECTAMOVE CONSERVANDAM ET PER DEI GRATIAM DE NOVO INSTAVRANDAM,

EA, QVA DECET, SVBMISSIONE ET OBSERVANTIA,

OFFERT ET CONSECRAT

IO. CONRADVS WALDSCHMITT.



# PROOEMIVM.

Summann esse in corpore animali viuo, quod aëris consuetudinem semel expertum est & auras vitales carpere coepit, respirandi siue sorbendi aerem & reddendi, reciproca interpolatione, necessitatem, quilibet facillime intelligit, fi modo perpendat, pari sum respiratione, si semel fuerit inchoata, vitam passu ambulare, illaque privatum animans momento, nisi praeter ordinem quid eueniat, vita excedere; nihilque magis exploratum nos habere, quam a spiritu ducendo, hoc est, aeris per inspirationem haustu, nullam unquam quietem animantibus dari, vt cessent aerem haurire ac rursum exhalare. Rationem haud difficulter deprehenderit, qui animalium in fluido aereo, forti nisu undiquaque instante atque premente, degentium, motus vitales, sine aeris intess per respirationem recepti & in adversum agentis renisu, produci ac conservari non posse perspexerit, ac praetereaid potissimum considerauerit, eum este pulmonum cum corde nexum, vt, quod oculatae Anatomicorum ma. nus testantur, unam quasi machinam hydraulico-pneumatisam constituant, qua tum particularis sanguinis per pulmones circulatio, tum universalis, qua vita continetur, sanguinis & humorum in circulum motus absolvitur: atque hinc sicut a circuitu sarguinis vita pendet, ita illum, in animanti. bus in lucem expositis, cum actione pulmonum, qua spiritum ducit & alternis vicibus reddit, adeo arcte coniunctum effe, vt, saluo sanguinis circulo, ipsaque proin vita salua, respiratio sio penitus cessare non possit. Neque vero tantum ad vitam eandem necessariam, sed etiam ad sanitatem stabiliendam, confirmandam ac conservandam vtilem, magnoq; imo maximo eidem presidio este, illi obscurum este nequit, qui in saniori Physiologia Medica atque in Oeconomia actionum corporis animalis tantum non hospes cogitauerit, chylificationis chylique ac nutrimenti praeparationis negotium, ipsamque sanguificationem, quam vocant, sanguinisque depurationes, fine respiratione nec rite procederenec perfici pose; dum septo transuerso musculisque abdominis alternis vicibus contradis & dilatatis, deglutitio per oesophagum, motus ventriculi, quo cibi, succis ibidem confluentibus emolliti ac soluti, atteruntur, comminuuntur, partesque resolutae & cum humoribus permixtæ per pylorum propelluntur, incitatur, & augetur, bilis ex hepate & veficula fellis in intestimum duodenum excretio, succi pancreatici in illud ipsum effusio, chymi ex intestinis in vasa lactea transpressio, eiu dem viterior in vasis lacteis primi & secundi generis, per glandulas mesenterii, ad cisternam chyli, & indeper ductum thoracicum ad venam subclauiam progressus facilior redditur, sanguinis venosi chylo crudiore nouiter permixti, primo in valorum pulmonalium, deinde in lienalium angustis, vberior disolutio & inminutiores partes divisio, attenuatio ; vt intimiore partium convenientium permixtione, congregatione & complexu, minus conuenientium disgregatione & secessu, ad secretiones habilior reddatur; sanguinis item e liene & venarum ramis venam portae constituentibus fluxus & per hepatis angustias motus promouetur. Vt de aliis respirationis vsibus, in vriva & faecibus aluinis excernendis, in expuitione, screatibus, mucique n irium expulsione, in suctione & sorbitione alimentorumque liquidiorum intromissione, in voce formanda, in cantu, loquela, in oscitatione, sternuta. tione,

tione, tussi, similibusque iam nihil commemorem. Vnde satis superque perspicere ac intelligere licet, quid commodi liberior respiratio, atque exercitia moderata, quibus illa promouetur, in sanitatis negotio inferre posst. Quomodo & qua ratione excitata & promtior respiratio naturae humanae Suppetias ferre, in partibus & visceribus, ad motus suos & actiones promtius perficiendas, excitandis, caufisque morborum superandis. Quomodo ex Plutarchi sententia, L. de tuend. valetudine, respiratio per vocis exercitia vsumque sermonis voce pronunciati incitata mirum quantum ad sanitatem & vires instaurandas conferat, principibusque corporis membris, penes quas vitae facultas potissimum est, naturale robur vigoremque verum ingeneret, calorem augeat, sanguinem attenuet, omnes uenas perpurget, arteriasque aperiat, atque humores superfluos colligi non patiatur. Qua ratione, secundum C. Celfum L.I.C. 8, clara lectio aduer fus tardam conco-Aionem prosit, & proinde, apud Oratores sacros & Concionatores artiumque Professores vitae sedentariae addictos, conciones & lectiones alta voce recitatae, ex observatione prudentum, fere eadem commoda, quae ab exercitiis corporis alias proficifci solent, in sanitatis negotio praestent, vt & Sani viuant & viridem senecutem saepissime, fretera fuerint paria, attingant: Quae sine dubio causa fuit, quamobrem Plinius orationem graecam latinamue clare & intente, non tam vocis causa, quam stomachi legere consueuerit: v. L. IX. Ep. XXXVI. Apparet quoque exinde, quid incommodi difficilior & impeditior respiratio ferat. Enim vero cum actio illa tanta cum vitae necessitate sit coniunda, vi viuere perinde sit ac vitali aura vesci, sine reciprocos auris commea. bilibus ducere halitus; cumque sanitatis exercitium magna quoque parte respiratione absoluatur; nullo negotio perspicitell,

tur, quanti sit libere reciprocare animam, & quanta laesa respiratio & negata illius libertas incommoda hominibus afferat; quantumque periculum sanitatis aeque ac vitae minetur & inducat; vt non leves quoque nec parui faciendi morbi sint, qui sirandi facultatem turbant ac impediunt. Horum e numero cum Asthmata, quae vocant, non tantum consistenti ac senili sed & puerili aetati, ex observatione antiquissimi Artis nostrae Magistri, Hippocratis, aphor. 26. S. 111. quin & recens natis infantibus ac puerulis, teste experientia quotidiana, nec non Galeno, Commentar. ad modo dictum aphor. perfamiliaria sint & grauia: binc, occasione bac, loco speciminis inauguralis. Asthma Puerorum speciatim, morbum plurimis fatalem & periculosum, neque quod sciam, hadenus satis expositum, pertradare animus est. Cum enimillam prolixitatem non admittat instituti ratio, vt totam de Astmate materiam per equi liceat, bunc saltem affe-Etum, pro ingenii modulo, exponere constitui. Faxit Deus ve conatus cedat FELICITER.

6. I.

A Sthma usu Latinum, origine vero Graecum, siue sit & dicatur quasi ἀσμα, canticum, cum in canendo libera & clara voce exerceatur ἡ ἀναπνολ, respiratio, atque πλεονάσμω ε θ, ἡ παρα τὸ ἀημα πέπουθεν, ἐπευθέσει τεθ, exprimatur patiens & impedita respiratio, secundum Etymologic. magnita, vt, sicut în musicis, data remora, b molle in b durum versum mutat sonum, sic litera haec loco spirantium facile mutam dissiciliorem interstinguentem actum notet, verbis Illustr. Wedelii, de Astmatis, Mechanica, p. 4. siue aliunde originem ducat, nostra parum interest. Sufficit hic nosse, nomen hoc Graecum, quod Latini maluerunt retinere, quam

quam natiuo verbo exprimere, dudum assueti alienis verbis tanquam propriis, denotare dissicilem atque molestam respirationem, in qua crebrum anhelitum sieri, velut in currentibus aut alio modo ad vehementiorem motum adductis contingit; siue respirationem dissicilem, crebram, vehementer auctam, densam atque sonoram, ob earum, quae in pulmone sunt, cauitatum, coarctationem, quae, in infantibus cumprimis, sit ex ingruentibus shuxionibus impleto viscere; quales plurimae recens natis pueris contingunt, verbis Galeni, l.c. Vnde illius tempestatis homines di dispianum, anhelationem vocant, quae sit in cursibus aliisque vehementioribus exercitationibus, cons. idem commentar. ed aphorism. 46. S. VI.

§. II.

Hippoerates illud difficulter ac crebro anhelare cum fono & stertore, convenienti vocabulo, ovellen & insovellen dixit, i. e. fibilum edere, arque hoc verbo, dinersis in locis, fibilum innuit, quem edit sputum viscidum & crassum in gutture, quemque edit aspera arteria in difficili respiratio. ne. Sunt etiam qui affectum illum vocant ταχυπνοίαν, eum in finem, ex instituto sapientissimi Creatoris, secundum ordinem naturae, causarumq; nexum, in oeconomia animali excitatam, vt quidquid pulmones praeter naturae modum implet, iisdemque ac organis respirationi inseruientibus oneri est, propulsetur quasi & expellatur. Latini crebram hanc & difficilem respirationem anhelationem, v. Plinius, L. XXIII. C. 1. atque hac molestia affectos anhelatores, anhelosos vocant : senibus medicantur anhelis, canit Virgil. Georg. L. 11. itemque suspirium, vnde Plinius asthmaticos suspiriosos dicit, & L. XXIII.c., suspiriosos & anhelatores coniungit. Germani vocant die Engbrustigkeit / das Reichen/den schweren Athem. S. IU.

S. III.

Latiori equidem fignificatione, Asthma notat omnem difficilem & laboriosam respirationem : strictiori vero illum respirandi actum impeditum, qui tum aliis pectoris affectibus, qui respirationem laedunt, tum dyspnoeae & orthopnoeae contradiftinguitur. Scilicet receptissima est distinctio apud Medicos, qua respirationem dissicilem vel cum febre vel sine febre esse & observari contendunt. Hanc posteriorem uocant dysproeam, quando respiratio est quidem difficilior & frequens, cum molestia tamen toterabili, fine crebriore anhelatione, fibilo, stertore; Asthma quando cum maiore molestia, crebriore anhelitu, sono siue sibilo, & stertore coniuncta est; Orthoponoeam, quando adeo intensa est, vt aegri non nisi erecta ceruice respirare possint. Proinde si conditiones huius morbi atque proprietates essentialiter inhaerentes, originem eius & causas expendamus, nullo negotio perspicitur, quid Asthma stricte ita dictum sit ? scilicet respiratio difficilis, frequens, molesta, sine anhelitus grauis & saepe anxie laboriosus, sine sebre, cum fibilo & stertore; ab obstructione, compressione, coarctatione, corrugatione bronchiorum & uesicularum pulmonalium dependens.

J. IV.

Haec si attentius considerauerimus & ad causas simul, quibus sibilus & stertor producitur, animum attenderimus, haud dissicile suerit affectum hunc ab aliis morbis, in quibus liberior respirationis actus impeditus est, discernere. Nempe a respiratione dissiciliori in angina, catarrho sussociativo, phtisi eique affinibus affectibus, sebribus, pleuritide, pleuropneumonia, peripneumonia, variolis, morbillis, lipothymia, passione hysterica, epilepsia atque aliis.

Non quaelibet enim difficilis respiratio, quod recte obseruat Cl. Bellini, de morb. ped. & ab alio quodam morbo vel pendens vel ipsum producens hunc morbum constituit, sed quae velut ex se est, ex peculiaribus suis causis fluit & sine febre est, vel esse ac subsistere potest. Quamuis enim antea dictae impeditioris respirationis species febre careant atque ex illis causis oriantur, quae sebrem per se non inserunt, potest tamen febris cum singulis earundem coniungi, si aliae causae morbique vel symptomata accedant: quin potest ipta eiusmodi difficilis respiratio, pro ratione, quae circumstant, conditionum, febribus ansam praebere atque congestionibus sanguinis in pulmonibus, obstructionibus, inflammationibus proniorem occasionem dare, dispositionem ad easdem inducere, & fimul ad illos, tanquam caufa vel proximior vel remotior concurrere. Neque enim raro Medicis offeruntur asthmatico - peripueumonici aut asthmatico - pieuro-pneumonici &c. Possint etiam alii eiusmodi morbi causis asthmatis progignendis occasionem praebere, quin & cum ipso hoc affectu complicari.

J. V.

Vtut etiam quidam morbi propius & proxime ad asthma accedere videantur, vt catarrhus suffocatiuus, anxietas praecordialis in infantibus & adultis, phthisis pro-uectior, vomica pulmonum, inundatio ex hydrope thoracis & pericardii: quod si tamen prudens Medicus conditiones & circumstantias horum morborum antecedentes, concomitantes & consequentes, itemque symptomata expenderit, signa tum morborum tum inprimis causarum in numerato habuerit, atque sedem molestiae & dolorum aeque ac excreta per tussim & screatum probe considerauerit, obscu-

obscurum ipsi esse nequit, qua ratione isti morbi, qui anxietatem asthmaticam inducunt, & peiores sunt ipso asthmate, ad euitandam confusionem & therapiam, quae circa causas remouendas versatur, recte instituendam, sint distinguendi.

S. VI.

Variae verae funt althmatis species. Distinguiturenim, ratione temporis, in continuum perseuerans, & periodicum, quod per interualla, longiora, breuiora, saepe certa & flata, saepe incerta recurrit: ratione vehementiae, in mitius cum tolerabili molestia, & gravius cum anxietate, dolore granatino, maiorique periculo coniunchim: respectu aliorum morborum, in simplex & cum aliis morbis conplicatum: ratione partis affectae in althma per essentiam & per consensum tale : vbi scilicet causa mali vel in organis respiratoriis praecipue & primario sedem habet atque ibidem respirationi impedimento est, vel in alia parte, in qua primario effectus morbosos producit, pulmones vero & organa respiratoria per consensum simul afficit & laedit: vnde malum hypochondriacum, hepatis, lienis obstructionem & scirrhum aliosque similes morbos asthma saepissime comitatur: ratione causae asthma est vel bumidum, vel siccum. Illud vocant, vbi succi crassi, muci ae pituitae viscidioris copia in bronchiis cellulisque pulmonum haeret aerisque liberiorem ingressum quodammodo intercipit; vnde in pectore sonus grauis, strepitus & stridor observatur, velut aquae ebullientis, gleich als ob es auff der Brust koche | atque mucus quoque per tustim plerumq; excernitur. Hoc vero, nempe siccum, dicunt quando aegri magna difficultate & labore respirant cum sono magis acuto, als wann es pfiffe/ nullumque adest muci viscidio.

viscidioris indicium, nulla nisi rara & sieca tusticula: ratione subiectorum aliud est Asthma infantum & puerorum, aliud adultiorum atque senum. Quae species cum ratione causarum, tum ratione plurimarum circumstantiarum, in prognosi & therapia cumprimis obseruandarum, multum saepe diuersitatis alunt.

J. VII.

Cum vero, vt in Procemio iam monui, instituti ratio non permittat, omnes morbi huius species prolixius pertractare, hinc Asthma saltem infantum tenellorum, vberius paulo exponendum, suscepi cuius genium vt eo clarius possimus intueri, ipsasque causas facilius detegere, phaenomena primum, quae morbum patefaciunt, enumerare inuabit. Equidem difficile est, in infantibus, qui quid patiantur eloqui non possunt, omnia quae ad morbum detegendum pertinent, indagare; vnde Medici non pauci, nominis amplissimi, teste Cl. Harris, de morbis acutis infantum, palam saepe professi sunt, se pueris ac praesertim recens natis visendis aduocatos, invita Minerua, tanquam ad mysterium, nescio quod, euoluendum aut insanabilem affectum sanandum, plumbeis pedibus accedere solitos fuisse. Prudenti tamen Medico non adeo arduum fuerit, si ea quae in sensus incurrunt, curatius perquisiyerit & pensitauerit, affectum hunc recte dignoscere. Scilicet occurrit hic pectoris granitas & angustia, anhelitus creber, laboriosus, sonorus, cum anxietate praecordiali, strepitu ac stridore, aliquando circa fauces, plerumque in pectore, sie rochelen auf der Brust als wenn es kocht/& quidem ex profundo; thoracis eleuatio saepe cum costarum quas fragore, tufficula cum dolore, quem eiulatu toties pr dunt, qua etiam aliquid pituitae viscidioris excernur

B

raucedo, & interceptio saepe vocis, quae sub eiulatu percipitur & observatur; vomitus saepe spumosus, ciborum per vomitum cita reiectio, inflatio abdominis, adstrictio alui, vigiliae nimiae, accedit saepissime horripilatio cum subsubsequente calore sebrili; vultus turget, pectus tumescit.

In defunctis hoc affectu inspectio anatomica docuit, in pluribus vesiculas pulmonales & bronchia horumque ramos sero viscidiori occupata, in quibusdam, vbi sebris accessit, inflammationem pulmonum simul coniunctam fuisse, in aliis mucum viscidiorem circa laryngis & epiglottidis confinia haesisse, in plerisque magnam congestionem & stagnationem circa organa respiratoria obseruatam suifse ; pulmonibus saepe infarctis , aliquando etiam fere illaesis; partes & glandulas vicinas humorum mole tumuisse atque, prae aliis, glandulas bronchiales praeter naturae modum turgidas, inprimis vero, glandulam, quam thymum vocant Anatomici, insigniter tumefactam, ita quidem vt totam fere anteriorem pectoris regionem occupauerit; & vel materia pituitosa viscidiori vel sanguine crassiori resertam comparuisse. De thymo speciatim asseuerauit Magnif. DN. D. Hertius , Eminentiff. PRINCIPIS ELECTORIS MOGUNTINI & Serenissimi PRINCIPIS HASSO . D'ARMSTADINI Consiliar. & Archiater, nec non Professor Medicinae in Academia bac Ludouiciana primarius, se nunquam corpus affectu hoc defuncti infantis aperuisse & inspexisse, vbi thymus eo modo non suisset infarctus. Experientia quoque anatomica exploratum habemus, deprehendi aliquando in hoc morbo defunctis, cum in pulmonibus tum circa partes adiacentes, varices vasorum lymphaticorum aut vesiculas lympha, modo limpida, modo colorata

lorata turgidulas, quas hydatides dicunt, minores, maiores ad oui saepe magnitudinem accedentes.

J. IX.

Ex hisce phaenomenis, si omnes circumstantiae expendantur, de sede huius morbi & partibus affectis in promtu erit iudicare. Scilicet si tantum sibila, stertores & rhonchos consideremus, nemini non apertum erit, omnem hic impeditae respirationis culpam in asperae arteriae, bronchiorum & ex his propagatarum vesicularum, quae pulmonum miro artificio conflatam atque diductam fabricam componunt, angustia & impedita expansione quaerendam esse; quae, sine ab obstructione, sine compressione aut constrictione meatuum, qui patentes liberique esse debent, originem ducat, spiritum angustiorem reddit magnamque respirationis difficultatem parit. Ille enim sonitus, feruenti aquae similis, certissimum signum est, cellulas pulmonum & asperae arteriae ramos per pulmones distributos vel materia pituitosa esse infarctos vel ab alia causa coangustatos, vt vix aerem inspirandum admittant. Proinde folles istos atque vitae ventilabra, quoad respirationis quidem negotium, potissimum hic affecta & in actione sua impedita esse, morbique huius subiectum constituere, quilibet facile intelligit: sicuti causas vel in illisipsis, vel etiam in partibus & glandulis vicinis, glandulis bronchialibus, ipsoque potissimum thymi glanduloso cotextu haerere, vt thymus & reliquae istae partes causae subiectum merito dici possint, ex antea dictis satis superque apparet. Quin & diaphragma reliquosque respirationi inseruientes musculos, in nexu illo & confensu partium, aliquando primario, saepe secundario hic pati & in actionibus ita impediri, vt respiratio gravior reddatur atque asthmaticus status inducatur, dubium nullum est. 6. X.

f. X.

Verum vt plenius haec intelligi possint, partium istarum structuram & vsum aliquantisper contemplari e re fuerit. Aspera arteria, Graecis agragia (quali asgorngia) τεαχέα, propter falebrosam substantiae inaequalitatem, dicta, cognomine hoc postea in latinam ciuitatem recepto; alias etiam solum trachea aut fistula pulmonalis vocata, est fiftula fine canalis a fancibus & larynge ad pulmones, spirationis ac vocis gratia, descendens, ex annulis cartilagineis incompletis, quibus quarta circuli pars deest, XVI. ad XX. & membranis compositus, oesophago a parte vbi annuli, ne deglutitionem impediant, interrupti funt cohaerens, tunica exteriore annulos cartilagineos connectente, ex fibris annularibus conflata, vestitus, & interiore, ex longitudinalibus tendineo - musculosis, densa acinorum glandulosorum serie referta, obductus, arteriis a carotidibus, venis a iugularibus, minimisque arteriolarum, a bronchialibus, venularum, a vena caua, plexibus interspersis, neruisque a recurrentibus & plexu ceruicali intertextis; in fine in duos ramos siue bronchia, vt vocant, per pulmones variis ramis & ramusculis disseminata & in vesiculas pulmonales tandem expansa ac definentia divisus. In hoc canali illud inprimis attendi meretur, ad vehi hic cum sanguine arteriofo atque fecerni, per acinos glandulofos in interiorem tunicam totius fistulae aereae & bronchiorum cumulatim dispersos, humorem lubricum & unctuosum, quo interior il. larum superficies madet & oblinitur, vt ad sonum ac vocem rite producendam aptior effet, & ne vel calore praecordiorum exficcetur, vel ab aeris ingredientis inclementia frequentius irritetur aut moleste afficiatur.

## J. XI.

De pulmonibus, quos rarum quid & tenerum, cauernosum, antrosum olim dicebat Hippocrates, accuratioribus nostrorum temporum observationibus compertissimum habemus, nihil eosdem esse aliud quam productionem & expansionem membranosam bronchiorum asperae atteriae in vesicularum innumerarum, fauis apum similium, ipsisque bronchiorum ramulis racemorum instar adhaerentium, quibus extremae vasorum minutissimaeque propagines fibraeque contractiles, motrices, tendinosae & nerueae in retis modum intexuntur, congeriem admirando artificio extensam, sinuatam & conformatam. Deinde de vasis sanguineis, quorum in medio sita est arteria aspera, constat, quod illorum propagines huius ramos & bronchia vtrinque & vbique comitentur, vt bronchia inter arteriae & venae pulmonalis ramulos, quos arteria bronchialis cum vena focia insequitur, in medio & ita collocentur, vt modo arteria modo vena superior aut inferior sit; quae in exiles minimosque ramos diductae supraque vesiculas in varios plexus circumductae, & in reticulatum demum contextum abeuntes has ipsas densa ramulorum implicatorum propagine, quasi reti in extimam membranam desinente, cingunt. Nec minus anatome docet, vasa lymphatica pulmonum tunicam stupendo plane modo obsidere & variis compositis infulis anaftomofibusque ductum thoracicum respicere, ad quem etiam vnius aut plurium interuentu glandularum contendunt. conf. inprimis Nuckius, Adenogr. p. 141. Neruos quoque per vniuersam pulmonum compagem distribui atque asperae arteriae ramos, bronchiorum canales, pulmonumque vesiculas, tum arterias quoque & venas insequi & propaginibus quaqua versum emissis bronchia aeque ac vascula

vascula sanguinea superscandere, amplecti & circumligare, nemo nisi rerum anatomicarum ignarus non nouit. Proficiscuntur isti ab octauo neruorum pari, quod vagum
Anatomici vocare sueuerunt; quum a medulla cerebri oblongata per spatia ceruicis longum iter variumque ingrediatur & quarundam sibrarum neruorum intercostalium accessione auctum varios plexus esformet, ex quibus disseminatae in laryngem asperamq; arteriam, pulmones, & cor vasaque sanguinea, vt & in stomachum ceteraque ventris imi
viscera, propagines variae & multiplices mirum inter partes illas & viscera consensum souent.

g. XII.

Thymus est glandula conglomerata, coloris in infanbus pallide rubicundi, in adultis obscurioris in suprema thoracis parte, circa iugulum, proxime sub sterno, trunco a ortae & venae cauae, circa initium carotidum, ad arteriarum & venarum subclauiarum ascendentium diuaricationem, incumbens & inde ad pericardium vsque in pueris protensa, atque huic aeque ac mediastino annexa, lateri. busque tracheae vtrinque accumbens; arteriis a propinquis carotidibus aut etiam aliis vicinis proficiscentibus, venis in iugulares aut alias propinquas sanguinem refundentibus praedita; lymphaticis nunc ad ductum thoracicum, nunc ad venam subclauiam contendentibus, neruisque a pari vago, iuxta carotides descendente, nec non a plexus subclauii propaginibus dimissis gaudens; provt illum vicibus non vnis Argentorati ab Excellentissimo atque Experientissimo comendatissimae famae Medico & Anatomico, D. D. & Prof. Saltzmanno, Patrono ac Praeceptore meo omni, quo gratum auditorem decet, honoris ac venerationis cultu iugiter prosequendo, publice & privatim in infantibus de-

monstratum vidi. De hac glandula hoc notabile est, eandem in embryonibus iunioribusque infantibus satis infignem, mollem atque dulci ac lacteo liquore turgidam deprehendi, vnde Galeno de vsu part. L. VI. cap. 10. glandula maxi, ma simul & mollissima dicta; in adultis vero sensim atque adeo imminui, corrugari & exarescere quasi, vt vix saepe detegi possit; manisesto indicio, maiorem ipsius vsum esse in non natis & embryonibus, quam natis & adultioribus. Vsus tamen ipsius hactenus in occulto delituit. Quamuis enim ex communi cum aliis glandulis conglomeratis constitutione & fabrica, vasculis suis & neruis notabilibus insigni, de communi víu & functione secretoria haud vane coniicere liceat: Quamuis etiam recens natorum thymus lacteo liquore, in glandulosa hac substantia secreto plenissimus obferuetur : quum tamen ita felicibus esse nondum licuerit sectionum Magistris, vt ductum peculiarem excretorium, glandulis conglomeratis aliis proprium, inuenire ac detegere potuerint, vltra coniecturas hactenus non processit etiam peritissimorum de vsu huius glandulae sententia. Propius nuper imo proxime ad veritatem hic accessisse videtur Cl. Anglus, F. Billingerus, Tr. de nutritione foetus in vtero per vias hactenus incognitas, Ao. 1717. in lucem edito, si modo observationes & inventa ipsius frequentioribus, sectionibus in foetibus humanis institutis confirmata & apertius essent exposita. Ille nempe, cum embryonem nec amnii liquore, nec per os sustentari ac nutriri posse contendat, exemplo foetus vel cum amnii humore foetido vel fine capite, fine ore, cum consueto tamen ventriculi fluido in lucem editi; omnem alimoniam per vasa vmbilicalia adferri, atque in hoc nutritionis negotio thymi quoque haud comtemnendum vsum esse existimat. Scilicet deprehendisse sibi visus est, in thymi lobulis & glandulis globosis chylosum succum a sanguine non tantum secerni ac per vascula minora in ductum, velut receptaculum commune, infundi, sed per canales quoque duos in duobus processibus latentes & iuxta tracheam ascendentes ad glandulas maxillares, quibus bini isti thymi processus non tam contigui quam continui Warthono iam dum reputati fuerint, deferri, per diftincta ofcula ductuum saliualium sub lingua oris cauo tam instillandum, quam per gulam ad ventriculum, pro huius liquore mucilaginoso chylificationem incipiente, ac intestinorum meconio, sine deglutionis motione, destillandum: atque hunc designatum thymi usum, in foetu quidem primarium, in infantibus recens natis aliquamdiu continuari, quia fanguis eoruma sero & lympha copiosiori depurari, ac lac in ventriculo crassius ac viscidius cum aliis ingestis dilui ac dissolui postularet. v. Ad. Erud. Lips. A. 1718. p. 6. 19. vbi thymi illa cum glandulis maxillaribus communicatio, ex foetu vitulino delineata, conspicitur.

S. XIII.

Glandulae sic dictae bronchiales sunt partes ex earum partium genere, quas glandulas dicunt Anatomici, (quid vero sit glandula hic expedire iam non vacat, vnde ad Anatomicos B. L. remitto, vid. interea Epistol. Cl. Boerhavii ad experientiss. Ruyschium & huius ad illum Anno 1722. in in lucem emissa, de fabrica glandular.) quoad superficiei aequalitatem conglobatis, quas vocant, similes, bronchi in bronchia primae diuisioni horumque ramis adhaerentes, sigurae modo oualis, modo triangularis, coloris nigricantis, magnitudine ad nucem auellanam accedentes, versus pulmonum vero extremum ambitum diminutae, molles, succulentae, liquido oleoso & lubrico, quod, facta pressio-

ne, visu & tactu explorari potest, refertae, vasis a pulmonalibus & bronehialibus, neruis a plexu paris octavi in principio thoracis positi derivatis praeditae. Et licet harum quoque vsus, ob nondum detectos ductus excretorios, certo definiri non possit, easdem tamen eo loco sine insigni vtilitate positas non esse, nemo non intelligit. Quamobrem praestantissimi Anatomici easdem cum reliquis glandulis & cum ipsa thyroidea humorem pro illinenda interiori bronchiorum superficie subministrare, sicut alii, ob situm & connexionem, quam habent tum cum aspera arteria, tum cum oesophago, easdem vtrique canali per tenuissimos ductus fine fibras canaliculatas, quarum cauum in sensus non incurrit, liquidum aliquod suppeditare, quod pro oesophago, in parte interiore, lubricando, & pro ventriculi fucco ad cibos emolliendos ac foluendos accommodatiore reddendo, nec non pro broncho & bronchiis interius oblinendis & ab ariditate praesernandis vtile ac necessarium fit. vid. Cl. Heister. Obseruat. Ephem. N. C. Centur. VII. 63. conf. Iacobi Vercellenii, Itali, Disfert. Anatomico- Medic. de glandul, oefophagi; cuius sententia, de humore quodam ex glandulis bronchialibus, ipfaque thyroidea per subtiles occultiores ductus in oesophagum & inde in ventriculum transmittendo, vt non omni probabili ratione destituitur: ita opinio ipfius de ovulis verminofis in glandula thyroidea congestis & inde ad oesophagum & ventriculum, vt chylo characterem vitalem conciliarent, per similes ductus deferendis, omni prorfus ratione & fundamento probabili caret. f. XIV.

De diaphragmate, septo illo cauo & mobili, musculoso-tendinoso-neruea substantia composito vasisq; suis & neruis notabilibus instructo, nec non reliquis respirationi inseruientibus musculis, hoc tantum hic obseruamus, quod sicut illorum reciproci motus, quibus pectus dilatatur & contrahitur, salua respiratione tolli non possunt, ita si minus recte habeant, laesi, autin actionibus suis impediti sint, dissicilior quoque respiratio reddatur.

J. XV.

Enumeratae istae partes vt partim ipsa organa & instrumenta sunt ducendi & reddendi spiritum, partim cum his ita connexae & in locis respectiuis collocatae vt in statu naturali eorundem actionem si non inuent, saltem non impediant: ita nullo negotio apparet, quod, si illa aeque ac hae a statu naturali desciscant, atque posteriores cumprimis ita humorum mole expandantur vt bronchiis & pulmonibus aliisque instrumentis, quae spirandi facultatem promouent, vicinis oneri ac fraudi fint, in respirationis negotio difficultas oriatur. Enim vero quando, stimulo saepe fibris tenellis nerueis impresso, nerui dictarum modo partium praeter naturae modum constringuntur, fieri aliter nequit, quin broncho bronchiis ipsisque pulmonum vesiculis, quas neruorum propagines fibraeque motrices superscandunt, amplectuntur & eingunt, vis inseratur, ita vt partes istae constrictae & conuulsae aerem, vt decet, neq; recipere neq; reddere possint, atque ipsa quoq; vasa sanguinea inordinate contracta sanguinem non ita promte aclibere, provt naturae ordo requirit, transmittant. Vnde asthma oritur conuulfiuum, quod caducum pulmonum vocauit Helmontius, quodque per paroxysmos subitaneos, mox constridis subito, mox remittentibus neruis motricibusque fibris, modo statis, modo incertis temporibus revertitur. Nec minus violenta neruorum constrictione, qua diaphragma

& musculi intercostales vehementius contrahuntur, ita quidem vt ab hac constrictione pectus diutius in dilatatione detineatur, asthma quoque conuulfiuum oritur, quod suffocationem pene inducit. Quando item nerui vltra modum laxantur, visque fibrarum motricium elastica deficit, atque languidi simul & inertes musculi euadunt, non tantum reciproci illi motus, quibus respiratio absoluitur, languent, sed & sanguis ac humores in vasis & vasculis sufficienter transprimi nequeunt: vnde congeruntur, accumulantur & stagnant, atque eo ipso, vesiculas ac bronchia comprimendo, spiritui viam praecludunt. Quando auda in habitu exteriori aliisque partibus ac visceribus resistentia, imminutis secretionibus & excretionibus consuetis, naturalibus, praeternaturalibus, repulsis, vt loquuntur, prauis humoribus, fanguis & humores ad pulmones & partes vicinas molliores minusque resistentes compelluntur, vt vel a redundantia eorundem ac turgescentia & acriore seruore fanguinis circulus & transitus per vasa pulmonum, quae bronchia vbique comitantur ac vesiculas horum cingunt, turbetur praepediaturue; vel spissior sanguis & viscosior per angustiores meatus difficilius perfluat ac subinde insistens aggestisque aliis super alias particulis in tumorem elatus vascula infarciat, factusque glutinosior obstructiones pariat; vel lympha sub illis congestionibus & obstructionibus copiosius secedat, perque vasa lymphatica tardiore cursu progrediatur & vel copia, vel lentore, vel ob vasorum atoniam, stagnet & bronchiis ac vesiculis pulmonalibus oneri sit; non potest non obrutis, gravatis & impeditis organis, spiritus difficilius & laboriosius trahi: idque eo magis, cum, ficut posito sanguini per venas resuo obice, humores per vascula minima & secretoria in partibus vicinis copiocopiofius secedunt & vel ipsas partes in tumorem attollunt, vel in cauitates acreceptacula vberius effunduntur, provt experimento Loweriano & Nuckiano exploratum habemus, ita hic quoque, dictam ob causam, data in circulo remora, partes vicinæ non tantum humoribus obruantur & intumescant causamque difficilioris respirationis augeant, sed & lympha illa que bronchia horumque ramos oblinit & lubricat vberius quam par est in illa ipsa depluat, accumuletur, infarctum producat aerique aditum praecludat, inprimis si, exhalante tenui parte, in pituitam viscidiorem concreuerit. Quando denique thymus & glandulae bronchiales, congestis vbertim humoribus, tumefiunt atque in maiorem molem attolluntur, non tantum organorum respiratoriorum apparatum grauant actionibusque fraudi & impedimento funt, sed &, si vera sunt quae supra de vsu illarum partium ex mente laudatorum Auctorum commemoraui, datis hic congestionibus & obstructionibus, liquorem vberius secedentem vitioque non vno, ob deprauatum organum, notatum circa fauces, itemque in asperam arteriam, & oesophagum eructant, deponunt, congerunt.

S. XVI.

Hisceperspectis, iam in proclini erit causas huius affectus, quibus neglectis nec praecaueri, nec curari morbus, secundum Fernelium, potest, in apricum producere. Nempe facile apparet, causam proximam formalem, quam vocant, esse hic vel constrictionem vel oppressionem organorum respiratoriorum, aut infarctum bronchiorum & pulmonum: materialem, sanguinem & humores versus pectus, pulmones partesque vicinas compulsos, congestos & vel turgescentes & acriore feruore concitatos, vel spissiores, lentiores magisque glutinosos, tum in vasculis hærentes & cu-

mulatos

mulatos, tum in bronchiorum cauitatem depluentes ac depositos. Quo referendus etiam inprimis thymus humorum stagnantium mole tumefactus atque infigniter expansus, partes vicinas, asperam arteriam tenellosque hic pulmonum folles onerans & aggrauans, nec non glandulae bronchiales tumidiores & nimium mole auctae bronchia & pulmones prementes eorumque expansioni obsistentes : haud secus ae mediastinum sero sanguineo turgidum, hydrocardia ac tumens puris materia pericardium, corque ipsum majus aut nimia pinguedinis copia refertum in adultioribus saepe spiritum dissiciliorem efficiunt, dum mole sua, quo minus pulmones pandi possint, impediunt; quod Hildani, Bartholini, Riuerii, Ballonii aliorumque sectionibus & obferuationibus perspectum habemus. Thymum humoribus excrementitiis turgidum ac infarctum etiam in adultoribus afthmatis causam fuisse in cadauerum sectionibus non vnis se observasse testatur Sim. Pauli, de Febr. malign. S. XVII.

Neque etiam iam adeo difficile fuerit causas remotas hic deprehendere. Nempe illud apertum est: omnia quacunque vel constrictionis nimiae; vel languoris atque inertiae neruorum ad organa respiratoria tendentium causae sunt, bronchiorum & vesicularum pulmonalium, nec non vasorum sanguineorum, lymphaticorum coangustationem vel etiam infarctum producunt, aut vt sanguis per pulmones tardius transeat quacunque ratione essiciunt, siue sanguinem incrassando siue rarefaciendo; congestiones sanguinis & humorum ad pectus cient & concitant, quibus partes & pulmones praesertim ita obruuntur, ut copiae irruenti non sufficiant cauitates, vasa atque canales; illa omnia quoque asthmati originem praebere. Occurrit hic primo inter

inter res, quas vocant, naturales, tenerior, mollis, infirmus tenellorum infantum habitus, debiliorque partium tonus & elater vna cum humorum, in debili corpore, organis minus adhuc perfectis, non fatis praeparatorum abundantia, quae cum porro transprimi promte per vafa minima & subigi satis, ob tonum & elaterem partium nondum satis confirmatum, hie non possit, facile lentorem concipit, qui congestionibus, stagnationibus, stasibus causas subministrat pluriumque morborum semina spargit. Res ipsa docet, quod, sicut senum morbi & speciatim asthma illorum maximam partem ab exsucco, arido & strictiori habitu firmaque nimis fibrarum dispositione proueniunt, ita infantum plerosque affectus, horumque speciatim pectoris oppressiones a molli, tenero, succisque affluente, laxiori habitu proficiscantur: nec sine ratione perspicuum esse affirmat Cl. Hecquetus, Gallus, Nou. Medic. Conspett. P. 11. C. VII. tam flexiles & molles infantum efse partes, quam in senibus aridae sunt & dura, tantumque invaletudinis aut mali corporibus infantum venire ex crudo adhuc & inabsoluto partium elatere, quam ab elatere nimio venit senum corporibus. Fluidorum enim vt maior in iis vsus est, ita maiorem corum accessionem sieri, cui si desit solidorum elateris potentia sufficiens, exuberanti resistentiae obiici imparem vim, quam fontem vocat & occasionem morborum quos adolescendo infans experitur. Inprimis vero thymi hic expendi meretur conditio. Illius enim substantia in infantibus mollis est, vascula patula, liquore copioso distenta, ad humores facile admittendos ac recipiendos apta, víu frequenti ae continuo hactenus trita, vt minor, respectu aliarum partium, in illo sit resistentia: vnde aucto tantillum in aliis partibus aut habitu exteriori renifu, fanguine

sanguine & humoribus ad interiora compulsis, magna in eundem redundat humorum copia; non secus ac in mulieribus la ctantibus, ingruente horripilatione & frigusculo quasi febrili, constricto corporis habitu, confestim in mammas patulas earumque tubulos víu tritos congeruntur, critica quasi secretione, sanguis & humores & quicquid praui in iis reperitur, obortis tumoribus & inflammationibus. Accedit fimul hic mobilis admodum, pro ista partium molli teneritate, & maxime sensilis corporis neruosique inprimis generis dispositio, qua ad spasmos & solidarum partium violentas constrictiones procliuis est infantum habitus, quaque fit vt, oborta, ad leuem irritationem & stimulum, constrictione, vasculorumque compressione, aucto renisu, ad interiora redundet sanguis eoque ruat, compellatur ac congeratur serumque deponat vbi rarior, mollior & laxior est textura & minor proin resistentia. Nec praetereunda natiua ad hunc morbum procliuitas, iure hae. reditatis in infantulum translata: temperamentum haereditarium atque character tum fluidis tum solidis partibus a natiuitate impressus.

J. XVIII.

Inter res, sic dictas, non naturales ad hunc morbum plurimum saepe contribuit aer, qui vnum est eorum, quae extrinsecus accidunt, quod sepatari a nobis ne quicquam potest, atque perpetuo nobis, tanquam connatum, adhaeret; cuius circumsus statu animalium corpora assiciuntur, quique vitiosus omni aetati est noxius, verbis Galeni L. 1. de san tuend. & de nat. bum. com. 1. Cum enim aer medium sit & subsidium respirationis, non mirum esse potest, si vitio quodam notatus ipsa quoque organa respiratoria praeter naturam assiciat atque vitium in illis producat: vnde pro aeris vel puritate vel impuritate, vocem vel claram vel grauem & raucisonam esse Hippocrates iam observauit, L. de aer., aqu. & loc. Aer vero ad hunc assedum concurrit, si vel qualitatibus peccet, frigiditate, humiditate, servore & aestu, siccitate, vel densus nimium sit, squalidus, inquinamentis collutulatus, quibus sanguinem quoque turbat ac conspurcat, teste Hippocrate, de stat. Atque hinc est quod epidemice saepe grassetur hic assectus. Inprimis autem aeris frigidi inclementia inimicos hic essectus producit, quando infantuli vel sudore dissuentes, vel circa thoracem nudi eidem exponuntur: ita enim facillime oboritur in corpore delicato maximeque sensili constrictio partium exteriorum maiorque resistentia, qua posita, ad interiora & pectus inprimis redundant humores morboque huic haud ita dissiculter sores aperiunt.

6. XIX.

Nec minus cibi & potus vel minus conuenientes vel imprudenter ingesti sanitatem infantum hac quoque in parte saepe labefaciunt: vbi primo illud accusari meretur, quando, apud lautioris conditionis homines, ipsa quae peperit mater, eadem & sui partus nutrix esse detrectat, atque alieni lactis minusque conuenientis contagio infici puerum finit; quod vt fanitati plerumque fraudi est & morum quoque, quos cum lacte saepe imbibunt pueri, perversitati, si superstites manserint, occasionem praebet, ita publica detestatione dignum habendum censuit Phavorinus, Philo-Sophus, apud A. Gellium, iam perfectum, iam editum, iam filium factum, iam matris officia implorantem ab sese abiecisse propriique ac consueti lactis alimonia priuare. Ita enim tum in partium folidarum tono ac tensione, tum in fluidarum mixtione & consistentia magna mutatio & pernersiuersitas saepe exoritur. Vt proinde matres quae puerum peperere, vel ex hoc capite, suadendae ipsae sint (si modo integris viribus, si probo & copioso lacte abundent, sintque \* sufferendis laboribus aptae) ut quos gestarunt, eaedem & ipsos, propriis vberibus, proprio lacte, alimento puerulis familiari alant & foueant, atque sese integras matres praebeant, verbis Fr. Valleriol. L. C. L. III. p. 719. Deinde vt lac nutricis, quacunque de causa vitiosum huic morbo materiam praebet, ita ipse saepe lactandi modus vitium habet. Maxime enin damnandus est is mos, quando matres aut nutrices larga atque inordinata lactis infusione, quam gravissimis non raro morbis & morte ipsa luere coguntur tenelli, horum ventriculum & corpus obruunt & onerant, dum, quacunque de causa, flentibus & inquietioribus, renuentibus etiam, papillam in os intrudunt, vt ad vomitum vsque lac ingurgitent, & sic dum infantes lactant, mactant. Ecquis enim adultorum constantem sanitatem aut vitae incolumitatem sibi promitteret, qui alimenta vltra modum & ita ingurgitat, vt ter quaterque vomitu redderet quod affumserat, ait Cl. Schraderus, Prael. ad Aphor. Hippocr. S. 111. S. XXVI. Sic etiam vituperanda est malesana foeminarum, qui nutricatum infantum in se recipiunt, consuetudo, qua, primis post partum mensibus pulte viscida & si vel per diem conseruetur, fermentata, acescente, vel offulis & intritis similibusque molliculis escis pusiones alere, aut potius illorum viscera totumque corpus praegrauare in vsu habent; quibus lacte familiari opus est, ob exiguam ventriculi aliorumque viscerum coquendi facultatem, tonumque partium infirmiorem & illis subigendis non satis aptum. Ita & vinum, quod spasmos facillime in tenellis corporibus ciet, & sacharata, quae ventriculo inimica sunt & fermentationi mormorbosae ac ebullitioni, intumescentiae humorum, generandisque cruditatibus ansam praebent, hie nocent.

J. XX.

Vt etiam motus in cunis & agitatio nimia quae vertiginosos reddit puerulos atque eo ipso genus neruosum praue exagitat, hic nocumento est: praesertim si pleno ventriculo, bene pasti sic agitentur; ita quoque inquietudo cum eiulatibus continuis & vehementioribus, animique saepe acerbitas & iracundia, quae in illis observari solet, ad morbum hunc disponunt : vbi eiulatus organis respiratoriis vim inferunt & humores ad congestionem hic inuitant, teste vel sola raucedine, quam inde contrahunt. Cumque somnus & vigiliaeaequilibrium partium solidarum & fluidarum moderentur, facile iudicare licet, quid mali, moderamine debito hic neglecto, inde pullulare possit & quomodo ex his radicibus morbus hic in infantibus exsurgere queat. Quoad excernenda, satis apertum est, illis, posito obice, retentis, ad partes molliores, vbi minor est renisus, derinari & congeri humorum copiam, vbi pectus plerumque in infantibus damna sua experitur. Retinenda si copiosius & vkra quam satis est excernantur, destructo aquilibrio fluidorum & solidorum, spasmi ingruunt, qui hunc affectum facile excitant & accerfunt; humores item, excreto nimium faepe diluente sero, lentorem concipiunt, tonus partium infirmatur, vt praeparationes rite fieri nequeant, cruditates generentur, & sic vbique malo huic fomes suppeditetur.

J. XXI.

Ex rebus, quas vocant, praeternaturalibus, huic morbo in infantibus fores aperiunt eidemque occasionem & materiam praebent, dispositio cacochymica, & quam vocant, scorbutica, cachectica, rachitis, similesque assectus, spasmi, dentitio

dentitio difficilis, ventriculi vitia, flatulenta huius turgescentia, inflatio abdominis. Inprimis euacuationes superfluae & minus contemperatae humiditatis, pone aures, per aures, in inguinihus, sub alis & brachiis, aliisque in locis, suppressae, experientia quotidiana teste, multum huc contribuunt: nec minus scabies, crusta lactea, intertrigo similiaque vitia cutanea repressa aut intempestive ac improvide curata, aphtarum vlcuscula nec non alia infantum vlcera fluentia minus prudenter, adstringentibus statim in principio adhibitis, citius iusto sanata. Ita enim facta melasaren, materia serosa, pituitosa, mobilis, obuersa hic resistentia, communi pressione & impetu, facillime ad pulmones & partes vicinas, fertur ibidemque, decubitu praeternaturali, congesta morbum huncinducit: non secus ac in infantibus, variolae & morbilli retrocedentes, in adultis, gutta rosacea, maculae hepaticae, purpurae, petechiae, arthritides quacunque de causa retropulsae, in pectus inprimis vim morbi convertunt & multa in illud mala effundunt, magnam angustiam, oppressionem, anhelitumque cum anxietate laboriosum, experientia fidem faciente, inserunt : nec aliter ac a fonticulo occluso asthma saepe excitatur.

S. XXII.

Quemadmodum vero ex hisce causis totus iste morbus procedit, ita quoque ex illis pendent & ex earum nexu facile derivari possunt omnia supra iam adducta phænomena. Enimvero quis non intelligit, quod, dum pulmonum vesiculae, bronchia & ipse bronchus reliquaque organa respiratoria, simulque ipsa vasa sanguinea vel constringuntur nimis aut etiam dilatantur iusto magis & in dilatatione diutius detinentur, vel comprimuntur, coangustantur, infarciuntur, aggravantur, opprimuntur, ita vt pulmonum follis

follis nec rite & sufficienter pandi & contrahi, nec spiritum alternis vicibus libere ducere & reddere, nec sanguis per pulmones promte & libere propelli possit; ipse hic sanguis, obuersa magna resistentia, quasi repulsus in corde aeque ac pulmonibus congestus & restagnans ibidemque distensionem & ex distensione magnae molestiae sensum metumque suffocationis producens, grauitatem, angustiam & anxietatem praecordialem inferat : cumque in anxia illa mentis agitatione organa fimul corporea oppressa & moleste affecta, secundum leges a prouidentissimo ac benignissimo Creatore, pro conspiratione illa animae & corporis, sapientissime sancitas, vehementius incitentur & agitentur, ad molestiam & causas eiusdem, quantum sieri potest, amoliendas, crebrior, sub illis conatibus, oritur & laboriosus anhelitus: qui conatus & labores sub magna anxietate ita saepe infurgunt, neruis ad conuulfiuos motus fimul incitatis, vt thoracis magna, vehemens & tanta quidem eleuatio produeatur, vt costae tenerae extensae sonitum & fragerem quasi producant. Cum etiam vel humores circa fauces collecti, aut in aspera arteria, bronchiis ipsisque vesiculis haerentes & cumulati, vel angustia bronchiorum & vesicularum, a constrictione, compressione, oppressione, remoram aeri inspirando hic obiiciant atque liberiorem aditum praecludant, ita vtallisus resiliat atque citatim repellatur, elidatur & qua. si vibretur, sonitus oritur & stertor, vel circa fauces, vel e pectoris profundo, provt angustia, aut materia obicem obiiciens vel circa superiora vel profundiora sedem habet ac congesta est. Quando etiam magna seri copia in thymo tumefacto ipsisque pulmonibus & partibus vicinis redundat atque crebriore ac vehementiore partium istarum commotione, quassatur, strepitus percipitur velut aquae feruentis:

uentis; non secus ac in hydrope pericardii, strepitus humoris serosi cordis crebriore palpitatione quassati auribus aliquando perceptus fuit. v. Stalpart. van der Wiel. Cent. 1. Obs. XXXVI. Quum constrictio pulmonum partiumque vicinarum fieri non possit, quin, constrictis organis & vasculis secretoriis, serum subtilius feruidum & acrehic exsiliat, atque huius ipfius acrimonia & stimulo molesta sensatio producatur, tussicula necessario, & quidem sicca excitatur. Quod si vero asperam arteriam & pulmones serum copiofum viscidum &, exhalante tenui parte, glutinosius & acrius redditum, obsideat, occupet atque simul exstimulet, tussis oritur humidior, qua pituitae viscidioris aliquid excernitur. Haec pituita viscidior dum fauces & asperam arteriam ita ac fieri debebat non oblinit ac lubricat, quin potius asperiorem hanc reddit, simul vocem mutat & raucedinem inducit. Et cum ista tusticulosa agitatio totum pectus, & in illo partes sero & sanguine stagnante vitra modum pansas atque tenfas & fic fenfiliores redditas fimul concutiat & agitet, perspicuum est, sine sensibili doloris sensu hanc agitationem fieri non posse. Aspera arteria oesophagum proxime attingit eique, illa parte, qua circuli interrupti funt, adhæret. Oesophagus etiam congestis in vicinia humoribus tensisque & affectis praeter naturam vicinis partibus, effusisque in illum simul, in copia maiori, humoribus, & quidem labe non carentibus, ab omni vitio & exagitatione p. n., pro ea, qua tunica ipsius neruea est sensilitate, immunis esse non potest; hinc fieri nequit, quin, sub illa irritatione asperae arteriae & ad commotiones violentas incitatione, fimul incitetur, exagitetur conuulsisque fibris nerueis ventriculum, ob communionem neruorum, in consensum abripiat, illumque ad constrictionem & vomitum p. n. excitet & exstimulet : qui, quum

quum non tantum contenta ventriculi & oesophagi, sed & humorem in aspera arteria haerentem, (ob tunicarum connexionem, qua vna constricta & commota non potest & altera non constringi & incitari) & quidem aeris citatiori itu & reditu hic quassatum & cum ipso aere permixtum, expellat, non potest non esse spumosus. In hoc asperae arteriae, ocsophagi & ventriculi consensu fieri aliter nequit, quin, quum ventriculus cibis impletur &, pro hoc rerum statu, in hac cum connexis partibus p. n. conspiratione, oneratur, ab illis necessario moleste afficiatur & ad citam eorum reiellionem solicetur. Neruis etiam, sub hoc labore, vltra modum contractis, conuulfis, nec ita promte se restituentibus, vt inspiratio & exspiratio pari passu ambulare possint; vox saepe sub diutina spiritus retentione intercipitur. Sub ipsis illis ventriculi, &, per consensum, intestinorum quoq; constrictionibus, vbi omnia conamina ad superiora tendunt, non potest non alunsesse adstricta: sub qua adstrictione cum nec flatibus exitus concedatur, hi in intestinis & ventriculo colliguntur, expanduntur, atque, constrictis ventriculi & intestinorum fibris, in angustias redacti superiora versus compelluntur & vbique magnam & molestam ac diapragmatis motum iam impeditum magis adhuc impedientem atque respirationi iam dum morbosae magis incommodantem distensionem producunt. Quando concurrentibus hic pluribus causis principium & totum genus neruosum ita concitatur, vt, excitato velociori cordis motu ac fimul aliorum musculorum succussu, auctaque adstrictione tonica & orta inde resistentia maiori in vasis minimis, sanguis ad interiora compellatur, horripilatio febrilis simul ingruit, quam, cum laxatis deinde nervis imminutaque in partibus exterioribus & vasis minimis resistentia, sanguis sub illa inordinata commotione & quassatione feruidior factus, maiori

Cum denique constricto & oppresso pectore, exagitatisque continuis succussibus eiusdem partibus, sanguinis sluxus ad caput inprimis concitetur, compressaque a thymi mole inprimis vena caua, cui proxime accumbit, liberior illius a capite ressurus impediatur, intelligenti non potest non esse perspicuum, cur vultus turgeat. Et si cogitemus de congestione ad pectus, infarctu, atque impeditiori humorum motu & circulo in partibus eius, nulla dissicultate perspicitur cur pectus quodammodo tumidum siat.

S. XXIII.

Ex omnibus iis, quae fusius iam declaraui, satis superque perspicitur, quid & quis sit affectus iste, speciatim in pueris, & quomodo dignosci possit. Nempe inde patet: Asthma puerorum esse laesionem respirationis, & talem quidem, vbi anhelitus grauis, creber, laboriofus cum anxietate praecordiali, fibilo, stertore, rhonchis, strepitu, ipsis grauis & permolestus est metumque suffocationis inducit; aliquando sine sebre, saepe cum sebre: vela spasmodica neruorum atque partium, quae respirationi famulantur, contractione & constrictione, vel languore & inertia, vel etiam pulmonum aeq; ac vasorum sanguineorum, lymphaticorum, infarctu, aut etiam compressione, vel oppressione a partibus vicinis, inprimis thymo & glandulis bronchialibus humorum stagnantium mole in tumorem praeter naturae modum eleuatis. Signa huius affectus iam fufius funt exposita: sicuti differentiae ratione causarum iam quoque, ex iis quae dicta & fusius exposita sunt, occultae esse non possunt. Signa causarum prudens Medicus, ex antecedentibus, concomitantibus & confequentibus, ex fibilis, rhonchis, stertore, vel circa superiora, vel ex profundo, strepitu

pitu in pectore, ex tussicula, tussi, humida, sicca, ex motibus spasmodicis, conuulsiuis, febricula, febre, dolore, tumore pectoris, faciei, excretis, retentis, ventriculi affectibus, vomitu, tumore, inflatione, atque similibus phaenomenis, petere & inuenire haud adeo dissiculter poterit.

J. XXIV.

Quoad prognosin, ex dictis quoque obscurum esse nequit, nunquam contemnendum aut negligendum esse Asthma, praesertlm puerorum. Inprimis vero considerandi hic funt gradus vehementiae & oppressionis, granioris, mitioris. Malum vrgens periculosius est quam leuius, non vrgens. Si ita increscat morbus ac corpus impetat vt suffocatio instet, vires fatiscant, actiones turbentur, lipothymia epilepsia & conuulsiones accedant, mors prae foribus est. Si malum fuerit essentiale, continuum, cum angustia praecipiti & suffocatiua longe periculosissimum est. Morbus hic per essentiam grauior est illo, qui accidit per consensum; nisi causa immedicabilis in partibus consentientibus haereat; vt in hydrope pectoris, infarctu phtisico, empyemate, cachexia: vnde & affectus cum aliis complicatus plerumq; peior esse solet, inprimis si sit cum rachitide, phtisi, cachexia, angustia pectoris haereditaria coniunctus. Tussis vehemens ferina, fine notabili excretione, cum rhonchis profundis & strepitu magno, nunquam tuta esse solet. Maximum periculum imminet cum afthma in febre acuta euenit, vel febris vna cum asthmate coniungitur. Etenim a calore febris, si suapte natura sit iam difficilis respiratio, multo redditur difficilior, ob congestionem vberiorem & siccationem plurimam, conf. Forestus L.XVI.Cap. IX p.on. 13. Quo magis anxia est respiratio, ita vt magno sed inesficaci conatu, toto corpore ad spiritum ducendum contendant, eo minor

minor spes est. Si genus neruolum radicaliter fuerit affectum & vel spasmis vehementioribus concitatum, vel languidum & quasi paralyticum factum, maximum periculum instat. Si sugere atque oblata deglutire nequeant, ob grauiorem infarctum atque inspirationis summam diffacultatem; si sudore frigido diffluant, ob partium, inprimis exteriorum relaxationem & atoniam, non minus in angusto spes est. Paucis, asthma puerorum, ob organorum & partium vicinarum molliorem & ad congestiones facile admirrendas ac recipiendas dispositionem, nec non neruorum neruosatumque partium sensilitatem & ad spasmodicas contractiones facillime suscipiendas, retinendas, continuandas, habilitatem semper periculosissimum habetur. Certiorem, hac in re, me fecit longa experientia confummatissimus Archiater, supra laudatus DN. D. Hertins, qui, ex centenis hoc morbo grauius decumbentibus puerulis, vix quatuor euasisse affirmauit. Ceterum malum periodicum, interpolatum, non vrgens, nec granioribus symptomatibus stipatum, fine febre, plus bonae spei ostendit. Quo rarius repetit, quo breuius durat, eo minus periculum portendit. Si materia in pectore congesta ac stagnans coquatur, subigatur, solutur, soluta validis adhuc viribus eliminetur, fine per tustim & screatum, fine vomitu; & item ad aluum fiat pelasaous & eiectio, & quidem cum leuamine & remissione symptomatum, virium instauratione, spes melior in propinquo est. Quoad modum euentus, finitur ad salutem, discussione causae distendentis, irritantis, opprimentis, spasmodicae, transitoriae, itemque expectorarione, in qua potissima salus est asthmatis pituitosi, serosi, vbi materia pulmones obsidens & angustans soluitur & excernicur; nec minus paulatina correctione & subactione, praeparatione atque causae qualicunque ablatione. Finitur ad mortem, oppressione, viribus & tono partium penitus infractis, vel uslasares ad partes non minus nobiles aut principales. Vltimus finis est suffocatio, qua eiusmodi & plerique afthmatici tandem moriuntur, stertore adaucto, bulliente in pulmonibus & partibus infarctis, lympha viscida, densa & tanto magis suffocatiua reddita, quo magis causa morbifica praedominatur, natura vero fatiscit & succumbit: verbis Illustr. Wedel. de Asthm. mechan. p. 27.

### XXV.

Cura huius morbi infantilis ardua valde & difficilis est, tum propter causarum concursum, grauioremque partium in tenello corpore laesionem, tum propter concurrentia contraindicantia, tum propter tenellum ac delicatum habitum viresque debiliores, sine naturam infirmiorem, quae nec adhibitorum medicamentorum vim rite in actum deducere, nec cooperari satis valet. Interea hoc potissimum negotii hic sibi datum videt prudens Medicus, vt causas quantum fieri potel semoueat, & laesas partes restituat ac aduersus novos insultus obfirmet, ipfisque fimul symptomatibus, quae magis vrgent, obniam eat. Ante omnia causae remotae sunt remouendae, & cum lac matris aut nutricis, non satis laudabile, vitiosum, morbo materiam suppeditet eundemque quasi alar, ipsi nutrici non tantum conueniens regimen diaetae, ratione rerum nonnaturalium, est praescribendum, sed & lactis vitia in illa, quantum licet, corrigenda, atque lac vi medicamentosa imbuendum. Eum in finem infusum blande laxatiqum cum radicibus & herbis pectoralibus, incidentibus, attenuantibus, roborantibus, pro nutrice, ordinari potest. v. gr. ex rad. helenii, tussilag. chelidon, min, pimpinell. succis, chin, irid. flor, herb, scabios, veronic, hed. terrest, marrub. alb, card. bened. cent. min. flor. bellid. paralys. bugl. papav. th. sem. anisi. stellat. foenicul. lign, sassafr. rhabarb. ver. agaric, tr. fol. senn. cremor. tartar. & fimilibus : nec minus hic conducit Magnef, alb. Pilul, balfam, de fuccin. Crat. de tartaro Schroed. Deinde nutrici hic quoque profunt pulueres ex stomachicis, incidentibus, pe-&oralibus, sic dictis absorbentibus, cinnabarinis, succinatis, prudenti consilio compositi : itemque essent. pectorales, stomachicae, essent. lignorum, pini, scordii, pimpinell, zedoar. cascarill. & similes, pro re nata; nec non infusa & decoêta ex herbis aperientibus & antiscorbuticis, rad. sarsaparill. ligno sassafr. corrice guajaci, radic. bardan. aniso ftellat.

§. XXVI.

Adipsos infantes quod attinet, id satis perspicuum est, pro ratione causarum, alia atque alia remedia hic locum habere. Cum vero aluo astricta, anxietas praecordialis augeatur, libera, praecordia leuentur, & natura sui iuris liberius agat in actionibus persiciendis; facile apparet, liberiorem aluum esse in hoc assectu procurandam atque adstrictam

strictam soluendam, quacunque demum a causa morbus oriatur. Huic kopo affequendo inseruire potest mechoacann. alb. pulv. diasenn. manna liquida tartarisata, conuenienti dosi, aut etiam syrup. de cich. cum thab. anima rhabarbar. mercurius dulcis ad vnum vel alterum. granum, prudenti manu & caute adhibita. Commendant & autum fulminans, sed hoc maxima circumspectione opus habet. Laudandi quoque clysteres ex emollientibus, carminativ. atque etiam pectoralibus : cum & ex clysteribus aliquid ad sanguinem per vasa lymphatica deferri experientia & ratio euidentissime commonstrent. Nec emetica plane reformidanda, ex rad. irid. florent. hypecacuanh. aut etiam fyrup. emetic. sulphure antimonii cum acido tarrari praecipitato, secunda veltertia scil. praecipitatione, ac praeterea recte praeparato ac dulciore reddito, tartar, emetico: nempe si dosi conuenienti exhibeantur, materia peccans in ventriculo, oesophago aut etiam circa superiora asperae arteriae coaceruata sit, atque cetera quoque fuerint paria, si res sit adhuc in principio, vires validae, nullumque contraindicans obstiterit: confer. inprimis Excell. & Experientist, DN. D. Lentilius, Misc. Med. Pract. P. 11. p. 626. 199.

6. XXVII.

His in principio, ac pro rerum conditionibus, praemissis, causasum potissimum ratio habenda, & vel spasmi leniendi, vel genus neruosum confortandum elaterque partium instaurandus & confirmandus; antispasmodicis, neruinis, cinnabarinis, castorinis, leniter roborantibus terreis, succinatis, speciatim liqu. C. C. succinato cum aqua cerasor. parato; qui enim cum spiritu C. C. paratur, in infantibus, ob expansionem sanguinis aut calorem facile inde exsurgentem & increscentem raro locum habet. Nec blanda anodyna, si caute & refracta dosi exhibeantur, contemnenda, nempe papauerina, ther. caelest. ad granum femis vel vnum, per pulueres conuenientes sparsa. Quae omnia eo magis hic conducunt, quod diaphorefin augent, attenuant atque conge-Rionem ad pectus imminuunt : vnde & blanda diaphorerica, antimon. diaphoretic. bezoard. mineral. specific, stomach. Poter. C. C. sine igne, ebur s. igne, Mixtur simpl. debita dosi & conuenienti regimine exhibita egregie saepe conducunt. Conuenfunt etiam si malum sit flatulentum aut si a pituita & infarctu in pectore ortum trahat, diuretica mitiora&carminativ. aperientia, Tinctura tartari TR, antim, tartarifat. cum effent. Ea

essent. gumm. ammon. myrrhae, nucistae, croci, debita proportione mixta, salina, incidentia, nitrata, nitr. antimon. arcan. dupl. tartar. vitriolat. lap. prunell. stor. sal. ammoniac. sal. vol. succ. quae & incidunt, blande exstimulant. roborant, excretiones ordinarias promouent arque assluxum humorum a pectore abstrahunt & alio dirigunt.

6. XXVIII.

Cumprimis vero hoc in casu, nempe in humido asthmate, insistendum incidentibus & resoluentibus pectoralibus, qualia sunt rad, irid, flor. pimpinell. ari, helen. semina foenicul. anisi, nasturtii, in puluerem reda-Aa & cum supra dictis diaphorer. & diureticis mixta, conchis ppt. ocul. 69. Fiatis, cinnabarinis. Laudantur & flor. benzoes, flor. Ais. Sed illi ob acrimoniam penetrantem infantum aduerso sensu ora torquent, hi saepe calorem, quasi ignem sub cineribus gliscentem, accendunt & augent; vnde lac sulphuris, tanquam salinum neutrum sulphureum hic praeferendum existimo. Gummi ammoniacum in aqua conuenienti pectorali solutum haud contemnendarum virium est. Praecipue vero commendari meretur sperma ceti, cuius virtutem resoluendi si cum sachar. ol. amygdal. dulc. pauxillo croci, & si febris absit, ol. ani. a gutta vna vel altera, aut pulueribus misceatur, experientia probat. Ex compositis, pulv. contr. tust. infant. pectoral, Ludouic. Wed. antepileptic. Ludouic. spec. diaireos apud plurimos magnifiunt atque in frequenti vsu sunt. Aqua pectoralis Schroed. looch sani, & plures simpliciores, hystopi, foeniculi, scabios, scordii aliaeque diapnoicae, aliquando opem praestant: si prudens Medicus illas cum aliis remediis miscere, in formulam redigere arque naturae & aetati attemperare nouerit. Succus ceparum coctar. laudatur tanquam specificum, item fuccus raphani, raparum, bellidis, helenii, aliique, si modo effectus expectationi semper tesponderet.

XXIX.

Spiritus calidiores & fortiores, acriori stimulo insistentes, vt spirit. 

Aci anis. Elix. pectoral. Wedel. Liqu. C. C. succinat. c. spirit. C. C. paratus, a gumm. ammoniac. spirit. asthmat. Michael. ob grauiores irritationes, exagitationes. alterationes vehementiores inde metuendas vix locum hic inuenire posse existemo, nisi in doss exigua cum vehiculis aqueis valde temperata ac diluta, exhibeantur. Circa saccharata, mellita, dulcia.

dulcia, syrup. de erysimo, de alth. de jujub. de hyssop. de liquirit. capill. veneris, de nicotiana, qui tamen in infantibus facile vomitum cier, papav. errat. liquir. coct. similiaque epicerastica, hoc observandum est: eadem quidem, post vsum incidentium ac resoluentium, vbi materia mobilis facta, vsum habere, dum vias subricant, acrimoniam humorum sibrasque irritatas demulcent, atque materiam ad excretionem habiliorem reddunt. In principio tamen locum non habent & cauendum semper ab corum abusu. v. Wedel. Amoenit. M. M. p. m. 145. quum dulcia pectori quidem sint amica, ventriculo vero inimica: cuius vigor tamen atque tonus quocunque modo hic conservandus est.

### XXX.

Medicamenta quoque externa, topica, vt vocant, non fine successu saepe applicantur: modo prudenter, observatis debitis cautelis, fiat applicatio. Talia sunt omnia resoluentia, lenientia, blande emollientia, anodyna; ex quibus vel vnguenta pectoralia vel emplastra confieri possunt. Laudatur vnguent, pectoral, anodynum, oleum cappar, laurin. ouor. hyoscyam. &c. histamen semper comphorae aliquid, spiritus sal. ammoniac. sacchar. saturni admiscendum. Empl. item de melilot. diaphoretic. comphorat. sacculi ex herbis, floribus discutientibus, paregoricis parati & calide pectori impositi. Pura tamen oleosa & pinguia, emollientia, in principio & in progressu applicita, plus nocent saepe quam prosunt, quum elaterem partium & tonum laxando congestioni vberiori occasionem praebeant arque partes ad admittendum ac recipiendum magis disponant, ad excernendum vero ineptas reddant. Si a scabie aut alia praua materia, impedita per exteriora excretione, retropulsa malum originem ducat, vesicatoria, in adultioribus & fortioribus, applicanda.

### XXXI.

Si febris huic affectui coniuncta fuerit, illius inprimis ratio habenda, cum vires infringendo, ipium hune morbum in deterius mutet. Conueniunt hic, praemiss, quantum sieri potest, vniuersalibus, pulueres bezoard. Sennert. Angl. Wed. spec. diacret. M. antimon. E 3 diaphor.

diaphor. salina incidentia, nitrata, salia neutra, flor. sal. ammon. terrea, ocul. 5. solut. ocul. 5. cum succo citri, sal. corall. aliaq; diaphoretica fixiora, rad. pimpinell pulv. cort. cascarill huiusque essent. & extr. aquos. Si insultus epileptici & conuulsiui accedant, aut immineant, antispasmodica in vlum sunt vocanda, cinnabarina, succinata, specif. cephal. M. pulv. Marchion. epileptic, Ludov. radix ac semen poeon. theriac. caelest, aquae flor. til. ceras. nigr. epileptica pueror. Aug.epilept. Lang, etiam spiritus vitriol, cephalic, recte ex mente saniorum paratus & debita dosi hic adhibitus. Si aurum fulminans, non penitus edulcoratum & cum aliquot arcani duplicati aut nitri purioris granis combinatum in epilepsia puerorum admirandos effectus praestitic famigeratissimo Archiatro DN. D. Lentilio, vid. Miscell. M. P. P. I. p. 26. quaeritur num & hic, si cetera fuerint paria, adhiberi possit? Si vigiliae nimiae simul vrgeant, emulsiones ex amygdal. sem. 4. frigid. pro re nata, inprimis sem. card. bened. Mar. napi, citri, quae ipsi morbo quoque appropriata sunt, sem. papav. alb. additis aliis conuenientibus, egregie conducunt.

### XXXII.

His omnibus si prudenter, caute, circumspeste vti, atque conuenientem diaetam, cuius regimen ex dictis iam obscurum esse nequit, tum nutrici, tum infantulo praescribere nouerit peritus Medicus; & si omnia quoque ab hoc serio inculcata recte observata suerint, nullum dubium est, quin tenellus multum sic leuaminis experturus, & si mor-

bus arte humana sanabilis fuerit, valetudinem recuperaturus sit.

Sed haec pro instituti ratione iam sufficiant.

